



Kristian Samuelsen
Flatøyvegen 62
5918 FREKHAUG

Referanser:
Dykkar:
Vår: 14/2684 - 14/20418

Saksbehandlar:
Laila Bjørge
laila.bjorge@meland.kommune.no

Dato:
30.12.2014

Avslag på søknad om SMIL-midler for 2014 til restaurering av Notebu på GBNR. 1/20 på Flatøy i Meland

Administrativt vedtak. Saknr: 380/2014

Saksutgreiing:

Meland kommune vart for 2014 løyvd kr 230 000 i SMIL-midler frå Fylkesmannen i Hordaland. Utval for drift og utvikling vedtok i 2012 ein ny Smil- strategi for 2012-2015 med prioriteringar og satsar for kostnader

Søknadsfrist var 01.juni 2014.

Då søknadsfristen gjekk ut hadde Meland kommune motteke 17 søknader, m.a. frå Kristian Samuelsen for gnr. 1. bnr. 20 og 405.

Kristian Samuelsen har søkt om tilskott til: Opprusting av notebu.

Miljøplan trinn 2 er ikkje krav for søkjar.

Tiltaket ligg i LNF-området i arealplanen og kommunen har ikkje registrert viktige miljøverdier på arealet.

Vedlegg til søknaden som er levert:

- Kart
- Bilder

Bruket har eit jordbruksareal på 20,6 daa, 19,9 daa skog og 15 daa anna areal. Det er ikkje drift på bruket, noko av jorda er leigd vekk. I framlegg til ny arealdel av kommuneplanen er delar av bruket foreslått lagt ut til bustadområde,

Kommunen vil prioritere bygningar/byggverk, bygningsmiljø og landskap som er representative og særmerkt for vårt område, og bygningar som kan skape næringsaktivitet.

Kommunen meiner det er viktig å sjå dei ulike tenesteområda i samanheng og byggje vidare på tiltak som allereie er i gong, t.d. beiteprosjekt, gamle turveggar m.m.

Overordna prioriteringar

1. *Gjennomføring av fellestiltak knytt til kartlegging av avrenning frå landbruksareala til vatn og vassdrag.*
2. *Framleis satsing på biologisk mangfald, stell og rydding av beitemark med særleg vekt på truga landskapstypar som kystlyng og strandeng. Denne særlege satsinga skal ikkje fortrenge søknadar som gjeld vanleg beitemark, men er det knappe middel skal ein prioritere kystlynghei og strandeng dersom det kjem slike søknadar.*
3. *Tiltak knytt til å sette i stand bygningsmasse med tanke på ny aktivitet under gamle tak eller tradisjonell bruk og tiltak knytt til tørrmura element og heilskapleg kulturmiljø*
4. *Tiltak hjå nyetablerte bønder dei 5 første åra etter overtaking*
5. *Kartlegging av korleis dei tiltaka som har fått tilskott i perioden 2004 til 2011 har utvikla seg etter kvart..*

Vidare vil føretak som driv aktivt gå føre føretak som ikkje driv. Nyetablerte kan prioriterast. Det vert sett krav om at før utbetaling kan skje til nyetablerte, må det vere beitedyr på garden.

LNF-ja-område kan gjevast midlar når det vert sett krav om tilbakebetaling av midlane om arealet ikkje vert nytta til beite i 10 år. LNF-ja-område skal ikkje prioriterast.

Tematisk vil ein ha slik prioriteringsrekkefølge ved tildeling av midlar:

1. *Planlegging av fellestiltak.*
 - Felles kartlegging knytt til avrenning frå landbruksareala
 - Felles beitetiltak i utmark – kystlynghei og strandengar
2. *Biologisk mangfald.*
 - Område som nemnd i naturtypekartlegginga vil verta prioritert
3. *Gamal kulturmark.*
 - Skjøtsel av lynghei
 - Tiltak i beitebruksplanar
 - Rydding og inngjerding av innmarksbeite inkludert beiteskog
 - Bruk som har husdyr for å skjøtta kulturlandskapet, men ikkje mottek produksjonstilskot.
 - Natureng jf. naturtypekartlegginga
4. *Tilgjenge, opplevingskvalitet.*
 - Tiltak i område der det er gjort eller planlagt andre skjøtselstiltak herunder utviding av eksisterande stinett

- Tiltak som førebygg konflikter mellom landbruk og allmenta t.d. sjølvluukkande grunder, gjerdeklyv vil verta prioritert.

5. *Kulturminne og kulturmiljø.*

- Restaurering og/eller rydding langs tørrmurar herunder bakkemurar, steingardar, torvhus, potekjellarar, kanalar m.m.
- Restaurering av småhus og byggverk knytt til særmerkte driftsformer i kommunen t.d. smier, kvernhus, ishus og vargotter (steinmoloer i sjø for varelevering).
- Medverka til å utvikla kulturmiljøet knytt til Ypsøy kystgard

6. *Freda og verneverdige bygningar.*

- Naustmiljø, grindbygg, skjeneflorar, gardflorar (vårflorar) sjøbuer og andre bygningar knytt til kystkulturen. Vurdering:

Tematisk prioritering: 5

Prioritering totalt sett: 15

Det er positivt for kulturlandskapet på Flatøy at denne notebua vert teken vare på og sett i stand, og det er levert ein fyldig og god søknad. Samstundes er Smil-ordninga midlar som kjem frå jordbruksoppgjret og er meint å vera til hjelp for investeringar i kulturlandskapet for dei bruka som er i aktiv drift. Notebua ligg difor litt på sida av hovudføremålet til ordninga.

Hovedårsaka til at søknaden ikkje vert innvilga er at det er komen inn mange søknader til årets smil-pott og administrasjonen har ikkje funne rom til å kunna prioritera større restaureringsprosjekt på bygningar dette året.

Søklar har høve til å søkja om kommunale kulturmidlar som har søknadfrist mars 2015, sjå kommunen sine heimesider for meir info.

Søknaden er vurdert i høve til naturmangfaldlova og ut i frå den kunnskap som administrasjonen har om viktige miljøverdiar på Flatøy er tiltaket ikkje i konflikt med dei omsyn som lova skal ta vare på (jf §§ 8-12).

Vedtak

”Meland kommune avslår søknad om SMIL-tilskot til restaurering frå Kristian Samuelson på gnr. 1. bnr. 20 på Flatøy.

Vedtaket har heimel i §§ 5 og 8 i ”Forskrift om spesielle miljøtiltak i jordbruket

Det er klagerett på vedtaket jf fvl § 27. Fylkesmannen si landbruksavdeling i Hordaland er klageinstans. Ei eventuell klage må vere grunngjeven og sendt kommunen seinast 3 veker frå den dagen vedtaket er motteke, jf vedlagte klageskjema.”

Med helsing

Anny Bastesen
sektorsjef teknisk

Laila Bjørge
landbrukssjef

Dokumentet er elektronisk godkjent og har difor ingen signatur.

Vedlegg:

Smil søknad 2014- Kristian Samuelsen - avslag på søknad om tilskot til notebu
Klagerettsskjema enkeltvedtak

Kopi til:

Fylkesmannen si landbruksavdeling Postboks 7315 5020

BERGEN

Mottakere:

Kristian Samuelsen

Flatøyvegen 62 5918

FREKHAUG